

‘ U Ciseppe e la Maria

U Ciseppe e la Maria  
camanavene pe’ nna via  
scivene chianu, chianu  
ma nu vadivene nnu ristianu.  
Era sira notte, cuminciava scurire  
e lu vagnone era nascire.  
Facia friddu chira notte  
e s’erene chiuse tutte le porte.  
I povareddhi truvarene nnu  
ristianu, cu lu core, ca li purtò  
ntra nna caverna  
facennu luce culla lucerna.  
Quai parturiu ‘a Madonna  
e l’ancili de celu ficiara  
a guardia allu piccinnu.  
Dopu nnu picca, a rutta  
se ‘nchiu de luce e de splendore...  
era natu nosciu Signore.